

BON DIA *Aruba*

Diabierna 12 di Juni 2015 www.bondia.com Email: noticia@bondia.com Tel: 582-7800 Fax: 582-7044 1,50 Florin

Director di WEB retira



Segun sr. Erick Henriquez di sindicato SIWA a bisa cu esaki ta prome biaha cu un director di WEB N.V. ta wordo retira. E sindicato ta mira esaki como un dia scur pa e empresa. Tambe e sindicato ta considera esaki como un señal importante di e situacion actual di e compania.

LesA A17

Sr. Erick Henriquez di sindicato SIWA

Retiro di director di WEB N.V. ta un señal importante di e situacion actual di compania

ORANJESTAD -- Sindicato independiente SIWA a duna su declaracion tocante e retiro di e director di WEB N.V. "Como sindicato nos ta wak esaki como un dia sumamente scur pa nos empresa" asina Sr. Erick Henriquez a bisa splicando cu esaki ta e promebiaha cu un director ta wordo retira di Web. Esaki ta un yamada di atencion

pa locual ta pasando cu e empresa.

Actualmente tin un guerra total cu Gobierno pa cierto decisionnan cu a wordo tuma unda trahado riba su mes no tin ningun tipo di participacion, Sr. Henriquez a sigui splica argumentando cu e principal motibo di locual a pasa cu director di Web tin di haber cu e mal relacion entre

director, Utilities y Gobierno y pa esaki director mes mes-ter busca e manera pa haya un solucion.

Segun Sr. Henriquez cierto decisionnan cu a wordo tuma tocante hedging entre otro motibonan ta aspectonan cu a molestia compania severamente locual a trece discusionnan fuerte cu director. "Mi ta calcula cu eyan e problema a cuminsa, nos funcion awo ta controla kico ta bay drenta den WEB y kico ta bay pasa cu WEB y garantiza tur trahado pa nan keda tranquil y asina por duna pueblo awa cu nan merece y na e prijs cu nan merece" asina Sr. Henriquez a sigui bisa.

Tocante e posibel candidato



pa asumi e funcion di director di WEB n.v, Sr. Henriquez a señala cu sindicato SIWA a tuma contacto cu Gobierno pa muestra e necesidad di haya un director interino cu lo drenta den fase transitorio tanten e comision ta haci e trabou di

dicidi riba e siguiente director di Web n.v locual por tarda entre 4 pa seis luna. Segun Sr. Henriquez, Sr. Luis Oduber a wordo nombra pa haci e trabou aki contando cu e apoyo total di tur e miembronan di WEB N.V. □